

## الموت | التربية الإيمانية درس ٢ | فاضل سليمان

فاضل سليمان

الحمد لله رب العالمين احمده واستعينه واستهديه واستغفره. وننعوا بالله من شرور انفسنا ومن سيئات اعمالنا. انه من يهدى الله فهو المهتد. ومن يضل فلن تجد له ولها مرشدًا الى ونصلی ونسلم على المبعوث رحمة للعالمين. سيدنا محمد وعلى الله وصحبه -

00:00:12

ومن تبع هداه. اما بعد طيب تلخيص سريع للي حصل المرة اللي فاتت ايه حكاية التوازن التربوي ده؟ قلنا كل فرد فينا بيكون من اربع حاجات رئيسية. مم مين فاكر -

00:00:42

الكبد والطحال وايه كمان؟ العقل والقلب والروح والجسد. عقل قلب روح جسد. وكل حاجة من دول ربنا سبحانه وتعالى بيديها ضعيفة او فاضية. وبيدينا ادوات نقويها او نملأها فالقلب ربنا بيقول هو الذي اخرجكم من بطون امهاتكم لا تعلمون شيئا. وجعل لكم السمع والابصار والافادة -

00:01:02

لعلكم تشكرون. فخلقنا بعقول فارغة وادانا ادوات لملأ هذه العقول بالعلوم والمعارف يبقى لما انا اكتسب العلوم والمعارف دي اسمها تربية معرفية. ودي تربية للعقل. واحد مسک كتاب التفسير قرأ كتاب تفسير انت ربى عقلك. قريرت كتاب للشيخ قرضاوي ربى عقل -

00:01:38

قريرت كتاب في الفيزياء بتنمي عقلك. طب والانسان لما يكسل في تربية العقل يبدأ يصاب بالجهل. والجهل يوقع الانسان في الشبهات ويوقع الانسان في البدع. ويوقع الانسان في الكفر كمان -

00:02:08

نيجي بقى للقلب ربنا سبحانه وتعالى خلقنا كل مولود يولد على الفطرة. فالقلب جاهز بالفطرة للإيمان ولكن يجب شحنه بالایمان تماما مثل بطارية الموبايل. اللي بتموت منك كل يوم لازم تشحذها لمدة ساعة -

00:02:29

كذلك القلب له طريقة لشحنه يبقى تربية القلب دي اسمها تربية الایمانية. او التربية القلبية. دي اللي سيدنا ابراهيم ما اتكلفش يطلبها من ربنا وسيدنا ابراهيم ابو الانبياء وطلب التربية الایمانية. قال ربى ارني كيف تحسي الموتى؟ قال اولم تؤمن؟ قال بلى ولكن -

00:02:49

ليطمئن قلبي. فكينا قلوبنا تحتاج الى التربية. وده اللي احنا بصدده في هذه الدورة تربية الایمان. التربية الایمانية هنتعامل مع القلب طيب خليني اقول لكم حاجة بقى عشان بالنسبة للموبايلات. احنا محتاجين تمويل للفيلم الجديد في مؤسسة جسور -

00:03:14

فايه رأيكم الموبايل اللي يضرب نبيعه في مزاد وندي فلوسه لمؤسسة جسور. متفقين؟ متفقين من فضلك لا تغلق الموبايل. خلاص. نيجي بقى نتكلم في الروح. ربنا سبحانه وتعالى ادانا ونفس وما سواها. فالهمها فجورها وتقوها. قد افلح من زكاها وقد خاب من دسها -

00:03:44

ادانا روح قابلة للفجور والانفلات. وقابلة ايضا للتزكية. والتنمية احنا دي دورة بعدها ان شاء الله بعد ما نخلص الشهرين دول هنخش شهرین تانيين تنمية روحية هنتدريب فيها على ايه؟ على الاخلاص لله وعلى التواضع الحقيقى -

00:04:16

الغير مصطنع. تكون فعلا انسان متواضع. نيجي على بعد كده التربية بتاعة الجسم التربية الحركية. يعني ايه؟ يعني انت دلوقتي واحد طلبت العلم وبقى عندك ثقافة. وقويت قلبك بالایمان. وما شاء الله -

00:04:46

دخلت التربية الروحية وماشي على عليها تمام وبقيت راجل متواضع ومخلص. لكن كسلان. لا تتحرك بهذا العلم ولا يدفعك هذا الایمان لخدمة مجتمعك. فتبقي انسان خامل. مجتمعك لا يستفيد منك. بقى احنا نريد -

00:05:06

نتحرك في المجتمع ايضا بالدعوة. دي التربية الحركية. انا عندي الاولانية. انا عندي التربية الایمانية التربية الروحية ناخدهم بس الاول وبعد كده ربنا يبقى يسهلها ان شاء الله. التربية العقلية والتربية المعرفية هي بطلب العلم. تقرأ ودي ان شاء الله لها - 00:05:26

بس عندها من الدقيق تعرف انت تختار ازاي قراءاتك وال حاجات دي. طيب بسم الله الرحمن الرحيم. نبدأ بقى بداية التربية الایمانية صلي على رسول الله. دلوقتي عايزك تخيل كده ان انت ماشي في الشارع لقيت راجل سكران - 00:05:46

ومدروخ ونایم في الارض نایم خالص. وعارف انه سكران ليه ؟ لان جنبه ازاي خمرة واقعة عايز تعظه. عايز تعظه. هتقول له ايه ؟

مین يقول لي كده تقول له ايه ؟ لأ بص حضرتك اللي حاضر الدورة دي قبل كده انا عارفه كويس - 00:06:06

صح. ما ينفعش تعظه لانه نایم. يبقى انت لازم توقعه. لازم تفوقه الاول حلو اوي. هو ده نفس الكلام. انت دلوقتي قلبك نایم. وعايز الایمان لازم تصحيه الاول. لازم نوقط القلوب بتاعتنا من غفلتها - 00:06:36

ثم نبدأ نسير بها نحو الله فعايزين نحل المشكلة دي. عشان تحل المشكلة لازم تدركها. ايه هي المشكلة ؟ ايه هي مشكلتي ايه هي مشكلة مجتمعنا ؟ ايه مشكلة العالم كله هي المشكلة الازلية ضعف الایمان - 00:07:06

عندها مشكلة ضعف ايمان عايزين نتعامل معها. يبقى لازم نتعامل مع القلب. بس القلب نایم. يبقى لازم نصحى القلب نصحى ونصلحه. ليه ؟ عشان يبقى قلب سليم. يوم لا ينفع مال ولا بنون. الا من اتى الله بقلب سليم - 00:07:27

بس مش هينفع نصلحه الا لما نفوقه نفوقه ازاي شف يا سيدى كما ان ايقاظ النائم قبل وعشه مهم ايقاظ القلب قبل شحنه بالایمان. مهم نوشه ازاي بقى بالخشية لازم اخوفه. بالخوف من الله. وده دور الخوف من الله - 00:07:47

اوقد القلب بس. اول ما ايقظته في اساليب اخرى بقى تشنحه بالایمان. ربنا بيقول سبحانه وتعالى تذكروا من يخشى. ويقول تعالى ان في ذلك لعبرة لمن يخشى وانذر به الذين يخافون. فلا بد من تخويف - 00:08:16

القلب الرسول عليه الصلاة والسلام بيقول من خاف ادلج. ومن ادلج بلغ المنزل. الا ان سلعة الله غالبة. الا ان سلعة الله غالبة. الا ان سلعة الله الجنة. يعني ايه ؟ من خاف ادلج الدلجة - 00:08:46

هو المشي ليلا. المسافر اللي خايف هيمشي بالليل عشان يقطع المسافة. هو مش اول ما الدنيا هيقوم قاعد مريح في الصحراء لتناني يوم بعد اتناسير ساعة بيتدى يمشي تاني لا لا بالليل هيمشي هيولع حاجة وهيمشي فمن خاف ادلج ومن - 00:09:09

ادلج بلغ المنزل. هيوصل. الا ان سلعة الله غالبة. الا ان سلعة الله والله الجنة كل حاجة بتخشنها بتمن تخش تركن بطمن ده انت بتركن في الشارع قدام المسجد بتمن. ما حدش بيرحmk. كل حاجة لها تمن. اشمعنى الجنة اللي بيلاش - 00:09:29

الجنة بقى دي سلعة ربنا وغالبة لابد من تضحية. ولكن لابد من اننا نخاف اولا. الخوف اللي بتتكلم عنه خوف جيبي مش سلبي. لان الخوف بتاعنا ده تخويف القلب يدفع للعمل. الخوف عادة يخلي الانسان ما يعملش - 00:09:56

خايف يعمل حادسة ما يسوقش ويقعد في البيت. خايف يا مش عارف ايه ما يروحش. فالخوف عادة سلبي. احنا الخوف بتاعنا ايجابي يخلي الانسان يعمل. واما من جاءك يسعي وهو يخشى. هو عشان يخشى - 00:10:19

سعى الى العلم وسعى الى المعرفة وسعى الى الایمان. فالخوف اللي بتتكلم عنه خوف ايجابي. لذلك انا هتكلم النهاردة من كتاب اسمه التوهم. التوهم بتاع واحد اسمه الامام الحارث المحاسب - 00:10:39

والتوهم يعني التخييل. بيقول لك توهمن ان يعني تخيل ان فهو ايه ده حتى انا ده كنت اديت المحاضرة دي بالانجليزي في امريكا وسميناها يعني مستشفى الخيال. ده مكان تدخل فيه تتعالج. انك تتخييل - 00:10:59

تخيل ايه بقى ؟ هنتحيل نفسنا فانت النهاردة كده هاخدك في رحلة كده في الموت. عشان ما يخوفكش. اخوف حضرتك لو حاسس انك عايز تغمض عينك في اي لحظة كده وانت بتتخيل غمض. عايزاك تخاف من غمض. تخاف من الموت يعني تخاف من لقاء ربنا يعني - 00:11:29

تخيل كده انت وانت راجع النهاردة كده عملت حادسة وجاء لك ملك الموت ايه شعورك بقى وانت شايفه قدامك كده داخل عليك

بيمد ايده يطلع من بوقك روحك هتقول له ايه ؟ استنى اديني فرصة. صح ؟ اديني مهله. فتح عينك وخلاص دلوقتي خلاص -

00:11:55

فتح هنا بقى وركز معنا. لو اداك مهله اربعة وعشرين ساعة. تخيل كده الاربعة وعشرين ساعة دول هيبي شكلهم ايه خلاص انت دلوقتي رجعت عملت حادسه ملك الموت قلت له ابوس ايدك اديني اربعة وعشرين ساعة. مش هيحصل لكن هو تخيل انه قال لك اوكي - 00:12:22

خد اربعة وعشرين ساعة هتعمل ايه ؟ هترجع تفتح عمرو اديب ؟ اتكلم بصراحة هترجع تتفرج على التليفزيون ؟ من الاخر يعني مع احترامنا للجميع يعني. هترجع تتفرج على التليفزيون ؟ لأ مش هيحصل. هترجع تقوم الليل على طول. بكرة طبعا صيام. شف بقى لها اخر مرة افطر فيها - 00:12:42

يلا اعملوا لي فول وببيض. لا لا بكرة هتصوم. انت متخانق مع والدك ووالدتك. هترجع تبوس ايديهم. وهتبرهم وهتوصل الرحم المقطوعة. صح ؟ هتمسك نوته التليفونات وتطلع نمرة عمك وحالك وخالتك والناس اللي بقى لك سنتين ما سألتتش - 00:13:02 وتعيد الحقوق الى اهلها. في حاجة انت شاكل فيها كده موجودة عندك وهي مش بتاعتك. او انت شاكل ان انا مش من حقك. هتكلم حد وہتستسمحه. او هترجعها. وهتكلم اللي اغتبته وتقول له سامحني. انا جبت سيرتك كده - 00:13:22

مرة غصب عنى وانا متضايق. ايه هي الحاجات اللي انت هتعملها في الاربعة وعشرين ساعة دي ؟ دي الليلة لما ترجع تكتب كده حاجة اسمها قائمة الامنيات. الاشياء التي تتمنى ان تمهل عند - 00:13:42

الموت يوم عشان تعملها. قائمة امنياتك ايه ؟ ده اول واجب علينا النهاردة طبعا المهلة هتقصد. عشان تبقو عارفين يعني. ما فيش حد هيقدر يتعامل مع ملك الموت ويقنه انه يأجله. المهلة - 00:14:02

وهيبدأ ملك الموت يجذب روحك. من قدمك. استشعر كده الالام مش الام بس الجسدية. ده الام نفسية قلق. انا خلاص بموت. شريط سينما هيمير قدام حياتك كلها عملت فيها ايه ؟ وهتفتكر الذنوب ارتكبها من عشرين - 00:14:22

سنة وكت ناسيها وانت بتموت بتتفتكرها. او خايف منها جسدية والام نفسية والروح بتتنزع من الجسم. وقلق لانك بتنتظر رؤية وجه ملك الموت. انت عارف ان هو دخل لكن ما شفتش وجهه لسه. ومنتظر بقى وجهه هيكون وجه جميل ولا وجه قبيح - 00:14:52 يا ترى ايه بقى ايه اللي هيحصل ؟ لو بصيت في وجه ملك الموت لو كان وجهه جميل هيظهر ويقول لك ابشر يا ولی الله. برضي الله وثواب الله في لحزتها هتدرك انك قد فزت. انك قد نجوت - 00:15:22

وہتشعر بالاطمئنان. القلق هيتحول الى اطمئنان وهدوء وفرح وانت بتموت تتفرج. لا شفت وجه ولا ملك الموت جميل وبيقول لك ابشر يا اول حاجة يعملها هيطمئنك ابشر يا ولی الله برضي الله وثواب الله - 00:15:52

هنببدأ او لا قدر الله يظهر لك بوجه قبيح ويقول ابدي ابشر يا عدو الله بغضبه الله وعقاب الله. فتدرك انك قد هلكت انك قد خسرت ويتحول القلق الى انفعال ويساس - 00:16:16

وحزن ممك يحصل دلوقتي على لو حبينا نعرف مين اول واحد هيموت فيينا مش هنلم تواريخت الميلاد منكم ونشوف اكتر واحد فيينا يمكن اصغر واحد. وده الغريب في مسألة الموت. شوفوا - 00:16:46

سبحانه وتعالى بيقول الذي خلق الموت والحياة ليبلوكم ايكم احسن عملا. بيلوك يعني يمتحنكم يختبركم كل اختبار له نقطة بداية ونقطة نهاية. يجي لك كده الورقة بتاعة الامتحانات يقول لك ايه امتحان مادة الرياضيات. يبدأ في الساعة الثامنة وينتهي في الساعة العاشرة - 00:17:08

قال لك اهو نقطة البداية ونقطة النهاية. حياتنا بقى دي اختبار لكن ربنا اعلم لك نقطة النهاية الاول لانها هي الغريبة. الذي خلق الموت. نقطة النهاية والحياة نقطة البداية ليبلوكم ايكم احسن عملا. الغريب في نقطة النهاية بتاعتنا ان - 00:17:38 آورقة الاجابة بتتشد في اي لحزة. ما حدش عارف هيتشد امتي. فلازم باستمرار تكون عامل اللي عليك مت هيبدأ الحساب في القبر. ما بين بقى موتك والمقدمة ده الواجب اللي عليك الاسبوع ده هابقى اقوله لك. تعمل فيه ايه ؟ ده ورد تاني بقى. وده - 00:18:05

ده واجب الاسبوع ده بس. عشان الواجب ده مخيف شوية. وبعض الاخوات بالزات بيكلسوها يقول لك ما قدرناش نعمل الواجب. ليه اصلی خفت. خفت ايه؟ خفت اخاف. ما احنا عايزينك تخافي. ايوا. فالواجب ده هنعمله ان شاء الله الاسبوع ده بس - 00:18:35 بنصحي القلب بس. بعد كده عندنا واجبات تانية خالص وممتعة جدا ولزيرة جدا. المهم دخلت القبر جا لك الملوكين نادوا عليك يا فلان او يا فلانة. جلست والكفن وقع كده. على جنابك والقطن اللي حاطينه في مناخيرك وفي ودانك راح واقع في حجرك. وهتسأل -

00:18:55

اما ربنا هيبيتك على الاجابة يا اما هتحتار في الامر ولن تلهم الاجابة. بيقول ان العبد اذا وضع في قبره وتولى عنه اصحابه اللي راحوا دفوه مش هيستنوا هيسيبيوك. وانه ليسمع قرع نعالهم. وانت - 00:19:25

انت سامع اقدامهم ماشية وسايبينك يأتيه المكان يجي له ملوكين فيقولان له ما كنت تقول في هذا الرجل كنت بتقول ايه في الرجل؟ اللي احنا اللي ارسل اليك. المؤمن يقول - 00:19:55

اشهد انه عبد الله ورسوله فيقال له انظر الى مقعدك من النار قد ابدلك الله به مقعدا من الجنة. فانت لو مؤمن يقال لك شايف المقعد ده في النار بص يا نهار ابيض - 00:20:15

يقول لك ما تخافش اطمئن ربنا ابدلك به مقعد في الجنة. فالنبي عليه الصلاة والسلام بيقول فيراهما جميعا. فتشوف ده وده ده شعور بمنتهي الفرحة. منتهي الاحساس بالفوز. ويقوموا ضاربين برجلهم جانب القبر - 00:20:39

انفوج القبر عن النار وترى الحريق بتاع النار. والحرير متاجج نار متاججة ومقبلة فتنظر الى ما صرف الله عنك فتفرح وتزداد سرورا كل ما تشووف هذا العذاب الشديد اللي ربنا نجاك منه توقن بانك قد - 00:21:01

سلمت ثم يضربوا جانب القبر الاخر فينفرد اجعل الجنة بزینتها ونعمتها انهارها. ويقال لك يا عبد الله او يا امة الله الله انظري الى ما اعد الله لك. فهذا هو منزلك وهذا مصيرك - 00:21:28

السرور يزداد اكتر والفرح يزداد اكتر والقلب يطمئن اكتر انك بتتعاين بتشووف بنفسك مش كنت انت كنت بتسمع بس قبل كده انت شفت بنفسك نعيم الجنة وعذاب النار وعارف ان ربنا - 00:22:00

نجاك من دي ودخلتك دي شيء جميل. او يحصل العكس. لا قدر الله. انك تنظر الى الجنة بنعيمها ويقال لك ابدلك الله بهذه النار. هنا يحصل العكس يحصل انك توقن يعني يزداد - 00:22:17

غمك وهمك يصبح لا شعور لك الا الحسرة والندم وهكذا في القبر واحد ورا الثاني الى ان يكتمل الموتى ويصبح لا يوجد احياء على الارض. خلاص كله يموت. تقوم القيامة تخلو الارض من السكان - 00:22:40

كلهم لا يبقى عليها لا انسان ولا حيوان ولا حشرة ولا انس ولا جن ولا حاجة خالص حتى الملائكة هتموت كله هيموت. كله يحمد لا حركة لا حس. لا شخص يرى - 00:23:10

ولا يبقى الا الجبار. ويقول لمن الملك اليوم ما فيش حتى حد يرد فيقول لله الواحد الجبار. ثم الله سبحانه وتعالى يحيي بعض الملائكة فيبدأ ينادي المنادي كل الخلائق تقوم للعرض على - 00:23:32

الله يا ترى بقى وانت في القبر واقع الصوت ده بينادي ببداية يوم القيامة والعرض على الله هيبقى وقع عليك ايه؟ هتقول ايه الحمد لله مطمئنة هتبقى ولا تبقى قلقان - 00:24:03

استحضر بقى الشعور. شعور القلق. تدعى انك تقف امام الله الواحد القهار لتحاسب يدعو الداعي تنشق الارض فوقك. قم اقف هتقف وتلقي كل الدنيا واقفة جنبك. كله عريان. كله مغرب. كله مطرب - 00:24:26

ما انتاش عارف تفتح عينك من التراب تبقى لك ملايين سنة تحت في التربة. تدعك بقى عينيك وتشيل التراب تشيل. وتشيل من ودانك وخبر وكله كده حواليك واقف حواليك. وبعدين نبدأ نتحرك كلنا نحو الصوت. في - 00:24:58

الصوت جاي بيدعونا الكل يتحرك نحو الصوت. يومئذ يتبعون الداعي لا عوج له. وخشعـت الاصوات للرحمـن. فلا تسمع الا همسـا. واحنا ماشين كلنا نحو الصوت وانت مش سامع غير همس - 00:25:18

حواليك ناس بتكلم بعض احنا رايحين فين؟ احنا بنعمل ايه؟ ما حدش بيجرؤ يعلى صوته احسن يتجادب وضع مخيف. والكل ماشي ذليلا منكسر الى ارض المحشر ما حدش بيفكر بقى الا في حاجة واحدة بس. هيحصل ايه؟ هتسأل عن ايه؟ وانت ماشي كده هتشوف مين - 00:25:38

بابا اللي انت بتحبه اللي واحشك من زمان. وماما اهي ومراتك وجوزك ولادك الناس اللي كانوا قرة عينك في الدنيا كت بتأنس بهم هتشوفهم هتبقى مش طايق تبص في وشهم - 00:26:06

ولا فارقين معك. وهم هيشفوك هيتجاهلوك يوم يفر الماء من أخيه وامه وابيه وصاحبته وبنيه لكل امرئ منهم يومئذ شأن يغنيه. كله في نفسه. انت متخل! متخل حجم الرعب نشوف دول بقى لك ملابس السنين ما شفتهمش وواحشينك. ولا هيفرقوا معك ولا انت هتفرق معهم - 00:26:26

كل واحد في شأنه وصلنا ارض المحشر. ايه ده امم. زحمة فزيعة. الناس كلها من لدن ادم محسورة انس وجن وحاجة محشر بجد اسمها اردل محشر ناس محسورة فيها كل عربان وحافي ومغرب - 00:27:02

والكل خايف لكن اكتر ناس خايفه هم كانوا اكتر ناس امانا في الدنيا الملوك الرؤساء الناس اللي امنوا في الدنيا اكتر ناس امنوا في الدنيا اكتر ناس خايفه يوم القيمة - 00:27:27

عليه الصلاة والسلام بيقول لا يجمع الله على عبد امنين ولا خوفين. خفت في الدنيا من ربنا ربنا يأمنك يوم القيمة. ما خفت من ربنا في الدنيا تخاف بقى يوم القيمة. وهكذا. الكل مزلول الكل - 00:27:46

منكسر ولكن اكتر ناس انكسارا هم اكتر ناس كسروا الناس في الدنيا. وزلوا الناس في الدنيا الشرطة اللي بتعزب وبتعمل وبتكهرب. اكتر ناس مسدودة ما بتكلمش عن رجال الشرطة الكويسين. ما بتكلمش عن رجال الشرطة اللي بيحمونا. انا بتكلم عن اللي بيتجاوza حدوده. ده صنف - 00:28:06

من رحمة ربنا بالرسول عليه الصلاة والسلام اللي ما ورناش بيتعزبوا ازاي صنفان من اهل النار لم ارالها يوم القيمة. لا لم ارالها. يعني رحمة بالنبي عليه الصلاة والسلام ربنا ما - 00:28:36

بتتعزب ازاي ؟ لانه مش هيتحمل يشوف. نساء كاسيات عاريات مائلات ممبلات شعورهن كاسنة والثانيين مين ؟ قوم في ايديهم سياط كرابيچ كاذناب البقر يضربون بها الناس ناس بتتعزب في امن الدولة - 00:28:54

حشر محشر كله محشور حر جدا. زحمة جدا. والحيوانات تبدأ نازلة من الجبال جاية كمان. هو فيه مكان كله الوحش اسود بس احنا مش خايفين منها. هي نفسها نازلة مكسورة. كله نازل مكسور. الشياطين نازلة - 00:29:17

مكسورة ذليلة خائفة كله. وايه بقى في في الزحمة دي موجات بتزق بعض. وتركتنا بعضه يومئذ يموج في بعض موجات بتزق بعض صوت رهيب مرة واحدة في الظلام ومرة واحدة السماء بتتصبح زي - 00:29:38

حاسب دايب بتغلي ويقوم نازل منها اجسام كبيرة دول الملائكة. نازلين راixin على ارض المحشر لدرجة ان العباد ما بيفهموش ايه دول. فيسألولهم افيكم ربنا ايه دول اشكال غريبة جدا. واجسام غريبة جدا - 00:30:04

وحر بقى. الشمس تدنو من الرؤوس. الشمس حرارتها حرارة الشمس مجموعة لمدة الاف السنين في هذا اليوم. وقريبة من الرؤوس جدا فيبدأ الناس تغرق في عرقها. اللي عرقه واصل لغاية كعبه. اللي عرقه واصل لغاية جانبه. اللي عرقه واصل لغاية - 00:30:31 شحمة ودنه ده مطلع بقه كده عشان ايه ما يشربش عرق. واللي بيلجم بالعرق يلجم يعني العرق عمال يصب في بقه طب ما فيش يعني احنا ما فيناش حتة حلوة في حتة واحدة حلوة. الواحد في الحر بيدور على حتة ايه؟ ضل - 00:30:57

ما فيش حتة ظل يوم القيمة الا ظل عرش الرحمن. اعد لاصناف معينة من الناس. منهم شاب نشا في طاعة الله عشان كده انتم عندكم فرصة مش موجودة عندنا احنا. انت لسه شاب انا كهل. انت شاب - 00:31:19

ما تسيبتش الفرصة دي ما تضيعش الفرصة انك تنشأ في طاعة الله عشان بنت ضحكت عليك او انت عشان ولد ضحك عليك. او ولد اداك سيجارة او واحد اداك مش عارف قرص ايه. ما تضيعش الفرصة دي انت شاب - 00:31:43

انشأ في طاعة الله تلاقي الصل يوم القيمة وشاييف ناس بتغرق في عرقها والشمس بتندو منها ويقولوا يا رب ريحنا بقى ولو للنار. لأن القعدة الوقفة طولت. الوقفة دي طولها قد ايه ؟ خمسين الف سنة في الحر ده لا شاربة ولا اكلة - 00:32:03

ولا حاجة الناس يقولوا ياللا بقى ان شاء الله على النار ويبداً نلاقي الانبياء داخلين. سيدنا ادم داخل وراه نوح وراه موسى وراه عيسى وراه وابراهيم ناس هتجري دول يجرروا يتلموا على ده. ودول يتلموا على ده. يا نبي الله اشفع لنا عند ربك. الحساب يقوم بس ان شاء الله - 00:32:27

عمار بس يبدأ بقى مش قادرين نقف اكتر من كده. فيقول كل واحد فيهم ان ربى قد غضب اليوم غضبا لم يغضب قبله من سيبوني في حالى نفسي. مش هاكلم ربنا. مش مش هاشفع ما اقدرش. ما اقدرش لا تتخيلوا الغضب. الله - 00:32:53

اذا كان الانبياء مشفقين كده على نفسمهم. خايفين كده. اومال احنا حانا ايه ؟ انت حالك ايه بقى وقتها ؟ ايها العاصي ايها المتمادي. ويقبل النبي صلى الله عليه وسلم. فالناس تذهب له - 00:33:14

انت خاتم المرسلين. اشفع عند ربك. فيحاول خلاص فيذهب فيسجد تحت العرش. ويثنى على الله ويقول يا حنان يا من ان يا رحيم يا رحيم ويسأل الله بدء الحساب ويقبل الله شفاعة النبي صلى الله عليه وسلم. وهذه هي الشفاعة العامة للخلق كلهم. حتى الكفار ويبدأ الحساب. فالضلعة تتحول - 00:33:34

الى نور واشرقت الارض بنور ربها ووضع الكتاب. يعني السجلات تنزل تتحطط. كل حاجة فيها مدونة مش مكتوبة كده. لا. سجل صوت وصورة كله قضي فيديو وهيتعرض. واشرقت الارض بنور ربها ووضع الكتاب - 00:34:10

وجيء بالنبيين والشهداء وقضى بينهم بالحق وهم لا يظلمون. يتقابل في اي بيذ. النبيين والشهداء. ويجي الناس ويقضى بين الناس بالحق. امال ايه حكاية الشهداء ؟ يعني ايه شهداء ؟ هو شهيد يعني ايه ؟ يعني شاهد. انت عارفين الشاهد ؟ بيدخل المحكمة - 00:34:36

ما هو امن هو مش متهم. المتهم داخل المحكمة خايف. الشاهد شاهد. ده كلمة شهيد. فبيجي النبيين والشهداء ويحضروا ويعرض بقى الناس كلها. ويبدأ الحساب اخونا الامام النهاردة قرأ في اول ركعة يوم يجمع الله الرسل فيقول - 00:35:01

ماذا اجتم ؟ ربنا يومها هيأسأل الرسل. دول في اي بيذ هيأسأ لهم حصل معكم ايه في الدنيا ؟ اجاكم وقالوا ايه ؟ فالرسل يقولوا لا علم لنا انك انت علام الغيوب انت يعني ايه ؟ من الذهول بتاع الموقف نسيوا. ده الرسل. اللي - 00:35:31

كده هينسوا من ذهول الموقف. امال انت وضعك ايه ؟ انت هيبيقى حالك ايه ؟ فكر في ده. فكر اليوم ده ليه ليه اتبراً منك ابوك وامك واخواتك ليه تبرأوا منك وعملوا نفسهم مش عارفينك ليه ؟ عشان اليوم ده يوم - 00:36:01

صعب اوي لكن لابد اتنا نجهز له من النهاردة. تخيل نفسك بقى وانت واقف كده وتبدأ الصحف تتطاير الصحف بقى اللي هي الايه السجلات بتاعتك. الشهادة تتطاير وتنزل في الايديين. في اللي بتنزل في ايده - 00:36:21

مبروك نجا. اللي نزل في الشمال اه خسر. ففي ناس عارفة نفسها هتحط ايديها الشمال ورا ضهرها. تقوم جاية لها من وراء ضهرها. يجي له الشهادة من ورا ضهره خلاص. اعصابك عاملة ازاي وقتها ؟ وانت شايف الصحف بتتطاير وبتنزل ده في اليمين وده في الشمال وده ورا - 00:36:41

اعصابك هنا هتبقى عاملة ايه وينادى على واحد واحد. يتشفاف حساب واحد. طيب هيبدأ ينادى على واحد واحد وهتشوف حساب الناس. هنا في الدنيا يا جماعة لما بنشوف حد بيحصل له حاجة كويسة او بياخد حاجة كويسة - 00:37:01

احيانا بنشعر ايه بالغيرة او ياه طب يعني انا كنت اولى هناك العكس. اول ما واحد يطلع مؤمن وصالح ويتقابل له انت من اهل الجنة. وياللا سلام يا جماعة انا رايح على الجنة. انت هتشعر بالامل. ايه الحمد لله ده فيه ناس بتروح الجنة. هتبقى فرحان - 00:37:24

وكل ما عدد رحيم الجنة يكتر كل ما انت هتفرح وتشعر بالامل. وكل ما واحد هيطلع من اهل الكفر او اهل النفاق او اهل معصية ويتفضح على رؤوس الاشهاد ويبقى رايح على النار انت هتشعر بالخوف - 00:37:44

لان ايه ده العملية ده فيه ناس بتروح النار. انت متخيل اعصابك عاملة ازاي وانت شايف واحد واحد بيتحاسب تخيل نفسك بقى

وانت الملايكة مجرراك وماشي وصحيفتك في ايديك. اليمين او الشمال. طبعا ان شاء الله اليمين بازن الله - 00:38:03

قف امام الله يبقى احساسك ايه؟ هو بيقول لك يا عبدي يا احمد يا هدى هندك باسمك. على فكرة هتنده باسمك. ليه ما فعلت كذا وكذا ليه عملت كده؟ الم ارسل اليك رسولا؟ الم انزل لك كتابا؟ هي الاية دي - 00:38:23

وتقراً عليك الاية. مش نزلت عليك. ليه ما نفزتش؟ الم انعم عليك بكذا وكذا؟ انا مش هديتك صحة انا مش اديتك مال. انا مش اديتك كذا. ليه؟ ليه ما سمعتش الكلام؟ لماذا لم تستحي - 00:38:53

في مني استحي من الله. ده احنا بنستحي من بعض ده الواحد لو ماشي في العربية ومراته راكبة جنبه بيبقى ما شاء الله غاضب بصره تمام مستحي من مراته. ولو ابوه اللي جنبه - 00:39:13

مستحي من ابوه عمه مستحي من عمه. الله مستحي من ابو مراتك وابوك وعمك. الا تستحي من الله عامل ربنا بالحياة ده ربنا بيستحي انه العبد مننا العاصي يرفع يديه ويدعو الله فيردهما صفراء - 00:39:33

ربنا يا اخي بيستحي يرد ايدينا فاضية. انت ما تستحيش من الله. ويقول ما الذي غرك بي؟ اسمع هنمسي على الصراط. ضلعة يوم ترى المؤمنين والمؤمنات يسعى نورهم بين ايديهم يعني قدامهم. نور منور لهم - 00:39:55

قدامهم وبامانهم في ايديهم اليمين معهم حاجة بينوروا بها. استلموها بتنورها؟ بشرى اليوم جنات. تجري من تحتها الانهار خالدين فيها. ذلك هو الفوز العظيم يا رب نبقي من دول يا رب نمشي كده وتنور لنا نور ماشي قدامنا نور عمال ينور وكمان مدينا نور زيادة عشان نيجي بيمين وشمال ونترج بقى ويا - 00:40:28

وببشر بالجنات. بشراكم اليوم جنات. يعني ملايكة على الصفيين بيقولوا لك. مبروك مبروك الجنة. جنة هتروح انت رايحها دلوقتني شف الفرحة اللي انت فيها ماشي وراك مين بقى؟ المنافقين ما عندهمش نور - 00:40:58

انت وانت مسافر على الطريق الصحراوي بالليل. مضل والنور بتاع عربتك اتحرق. بتقطر عربية منورة نور عالي وتفضل تجري وراها ماشي وراها عشان تمشي في النور بتاعها يوم يقول المنافقون والمنافقات للذين امنوا انظرونا يعني انتظرونا نقتبس - 00:41:18

من نوركم هنمسي معكم في النور بتاعكم. قيل ارجعوا ورائكم فالتمسوا نورا. هيتقاول لهم ارجع ورا وخد نور من هنا هناك فهيدوروا فضرب بينهم بسور له باب. اول ما هيتدوروا يرجعوا يلاقوا سور راح نازل بينهم وبين بعض - 00:41:45

باطنه فيه الرحمة من ناحية المؤمنين. وظاهره من قبله العذاب احنا مش كنا معكم ينادونهم الم نكن معكم قالوا بلى لا احنا كنا مع بعض مش بس هنا على الصراط احنا كنا مع بعض في الدنيا. قالوا بلى - 00:42:06

ولكنكم فتنتم انفسكم. انتم عملتم كده في نفسكم. فتنتوا نفسكم في الدنيا. وتربيتم وارتبطتم وغرتم الاماني حتى جاء امر الله وغركم بالله الغرور يعني فضلت تعمل كده في نفسك. خلي بالك الشيطان جه دوره في الاخر. الشيطان ان كيد الشيطان كان ضعيفا. الشيطان ده ضعيف جدا - 00:42:26

بس انت بتفضل تضعف مناعتك لغاية ما يقدر هو عليك تفتن نفسك فتنت نفسك. اتقاول لك الحاجات دي غلط عملتها. الاماكن دي لأ رحتها. ما اتقاول لك بلاش وتربيتم بالمؤمنين فضلتم تتربيوا عليهم فضلتم تنتزروهم عشان تبهلوهم وتضريوهم تعملوهم - 00:42:56

واربطتم الله انا هتعاقب على الارتباط! ده الارتباط ده عمل قلبي وربنا هيحاسبني على عمل قلبي ده ارتياط طب لو واحد ارتياط في زوجته وهي عرفت مش من حقها تزعل منه - 00:43:23

ترعل منه ليه؟ هو ضربها قلمين ده ارتياط بس لأ بين المحبين ما فيش ارتياط ترتاب في مين في ربنا؟ ترتاب في مين في الرسول عليه الصلاة والسلام؟ اياك ترتاب في الرسول عليه الصلاة والسلام. عندك سؤال فورا - 00:43:44

تيجي تسأل ما تسيبيش نفسك للشيطان ابدا. وغرتم الاماني الكرب. الاماني. فاكر نفسك هتعيش كتير. يقول لك ابويها مات عنده ستين سنة وانا لستة عندي اربعين سنة. لستة قدمامي عشرين سنة. هيص هيص يا عم مش هتموت دلوقتني. هو كده. طول الامل. فاكر

لسه هتعيش حتى جاء امر الله وغركم بالله الغرور. فالليوم لا يؤخذ منكم فدية ولا من الذين كفروا مأواكم النار هي مولاكم وبئس المصير. حاجة خطيرة هتتسأل يوم القيمة عمرك - 00:44:22

افلتوا في ايه ؟ عشت كم سنة ؟ تلاتين اربعين عملت فيهم ايه ؟ هتقول ايه ؟ تفكك كده ؟ يلا احنا يوم القيمة اهو شايف ده خالد بن الوليد واهو عمرو بن العاص. واهو الامام النووي. وكل واحد فيهم عمل حاجات فزيعة - 00:44:42

ده فتح مصر وده يعني سيف الله المسلط وده كتب كتب عملت انت ايه بقى ؟ يلا جاوب ما تقول كنت بعمل ايه ؟ كنت بصلبي خمس مرات في اليوم ده عشان نفسك. عملت ايه ؟ لدينك. سبت دي في الدنيا - 00:45:02

رکز بقى رکز مش انت هتتسأل عن عمرك فيما افنيته في ايه ان شاء الله ؟ قدام التليفزيون على الفيسبوك هتقول ايه لربنا ؟ رکز في الوقت. رکز في الزمن. ما لك ؟ من اين اكتسبته ؟ جبته منين ؟ من اين لك هزا - 00:45:22

جسمك فيما ابليته. استهلكت طاقتك وجسمك وقوتك في ايه ؟ في زلم الناس في الحرام ام في مساعدة الناس ام في الحال وقتك فيما ضيغته لسانك لما نطقت به فيه كذا وكذا ليه قلت الكلام القذر ده ؟ اصل يا ربى كان خلاص يعني كل اللي بيقوله لا النار مش زحمة يعني - 00:45:42

تساعد كل ما فيش حاجة اسمها الكل كان بيقول يا رب. انت ما سمعتش حديث الرسول عليه الصلاة والسلام. اللي بيقول لا يكن احدكم ان مع اذا احسن الناس احسن واذا اساءوا اساء يعني ما حدش يبقى طرطور. الناس تحسن نحسن. الناس تسييء نسيء - 00:46:12

لأ الناس هتحسن هنحسن والناس هتسيء هنحسن. ليه ؟ عشان احنا مش امعة. المسلم له شخصية. ما بنمشاش ما بنمشيش احنا مش بلد़ين. احنا لنا شخصية لن ننساق دي مسألة مهمة جدا عشان الفساد عمال يكترو واحنا ابتدينا ننسى نفسنا. عينك - 00:46:32  
ليه ما نظرت بها الى كذا وكذا ؟ اذنك لما سمعت بها كذا وكذا. ابوك موجود وامك موجود وزوجك موجود وجارك موجود وولادك موجودين. وبتسأل الكلام ده قدامهم. وبتعرض الاعمال قدام - 00:46:59

الغم اما يغفر لك فلا تعرض. وربنا يستر عليك واما الفضيحة على رؤوس الاشهاد. فيلم بيتعرض قدام الناس. انت بتعمل كده ده فيه حاجات صغيرة قوي الواحد لو عملها. وبعدين اكتشف ان الناس شايفاه بيبقى حاسس انه مكسوف. حاجات ايه يعني مش حرام - 00:47:19

يعني تحط ايدك في مناخيرك مسلا. شف خد بالك الناس شايفاك مكسوف جدا. ايه اللي حصل ده ! امال بقى اللي بالي بالك. اللي بالي بالك. كل واحد عارف اللي باني باله بتاعه. عملت ايه لوحده ؟ ده بقى لما يتعرض - 00:47:49  
قدام الناس هتعمل ايه ؟ اه. ربنا ممكن يقول لك يا عبدي انا سترتها عليك في الدنيا واغفرها لك اليوم. يا رب يا رب. لولا يا جماعة ان ما فيش موت في هزا - 00:48:09

هذا اليوم كت مت من الفرح. يعني لما ربنا يقول لك ويخبرك ان انت آآ طب يا جماعة الشباب يطلعوا وشوية عشان تفضي اماكن لاخوانهم في الخلف. تفسحوا في المجالس. يلا تقاربوا تقاربوا - 00:48:29

شوفوا يا جماعة المكان ده واحد عدد قد ايه ؟ سبحان الله ! لان الناس بتحب بعض فبنتحمل بعض. الدنيا على وسعها لاتسع متباغضين وسموا الخياط للمتحابين ميدان الدنيا دي كلها ضيقه على اتنين بيكرهوا بعض. لكن خرم الابرة زي ما يكون ميدان للناس اللي بتحب بعض - 00:48:49

المكان ده فيه بركة. ده بيت ربنا. فشوف انت قاعد وده كوعه في جنبك. وده ركبته في ضهرك ومستريخ ومش عايز تتوه. تروح السينما عشان ما فيش بركة. قاعد كده على كرسي فخم اوبي وبتاع ولوونه احمر وكم - 00:49:26  
وبس اللي جنبك يطلع ايده على اليد اللي بينكم الاول. تبقى تفرك وبتنتفخ ومتضايق ومش طايق نفسك. ليه ؟ عشان المكان ما فيش فيه بركة. فالقضية قضية بركة ربنا طيب ان شاء الله بقى نقطة كتابنا بايه ؟ بایمانا. يا رب - 00:49:44

يحصل ايه بقى؟ اسمع فاما من اوتي كتابه بيمنه. فيقول هاء مقرؤك اني ظننت اني ملأ حسابي. يعني ايه؟ يعني كنت فاكر نفسي هتحاسب وما تحاسبش! لأن فيه تلات سجلات لكل واحد زي ما قلنا. سجل الحسنات. سجل السيئات. ودول -

00:50:12

الدور عليهم. حسنة بعشرة الى سبعمئة ضعف. والله يضاعف لهم يشاء. والحسنة في مكة بميت الف. والسيئة بسيئة واحدة واتبع السيئة الحسنة تمها. المشكلة في السجل الثالث. لو اتحاسبت عليه رحنا في داهية. اللي هو سجل -

00:50:42

النعم لزلك هو بيقول هاوم اقرؤوا كتابي اني ظننت اني ملأ حسابي كنت فاكر نفسي هتحاسب. فهو في عيشة راضية. في جنة عالية قطوفها دانية. كلوا واشربوا. هنئا بما اسلفتم في الايام -

00:51:02

ايمامي الخالية من الاكل والشرب. الايام اللي كنتم بتتصوموا فيها. يا اما بقى الفضيحة قدام الاب والام والزوجة والجيران والاولاد ويشوفوك في فيلم سينما وانت بتعصي. والملائكة تباديك والشهداء والانبياء الفي اي بيز اللي قاعددين ينادوك ويقولوا يا كزاب لعنة الله على الظالمين -

00:51:32

اسمع سورة هود ومن اظلم من افترى على الله كذبا اولنك يعرضون على ربهم ويقول الاشهاد انبياء والشهداء والملائكة اللي بيشهدوا للمحاكمة ها؟ هؤلاء الذين كذبوا على ربهم الا لعنة الله على الظالمين! انت متخيل! سيدنا محمد يلعنك يوم القيمة! انت متخيل! الشهداء -

00:52:02

يلعنوك يوم القيمة يقولوا عليك كزاب منافق ساعتها مشاعر الحسرة تقطعك ندم فزيع وانت بتتاخذ من قفاك و بتخرج قدام الناس والصحيفة في شمالك. واما من اوتي كتابه بشماله فيقول يا ليتنى لمغوتك -

00:52:37

كتابي حسرة ولم ادرى ما حسابي. يا ليتها كانت القاضية. يا ريتها كانت موتة وما فيش بعدها ما اغنى عنى ماليا. حساباتك دي كلها ولا حاجة. هلك عنى قانية ربنا يقول لك انا -

00:53:03

غضبان عليك. عليك لعنتي. لن اغفر لك عظيم ما اتيت. الاشياء الفظيعة اللي انت عملتها لن يغفرها لك ولن اتقبل منك ما عملت. خذوه فغلوه ثم الجحيم صلوه. ثم في سلسلة -

00:53:36

زرعها سبعون ذراعا فاسلكوه. تدخل من دربك تطلع من بقك. تبقى كده زي الخروف متعلق تتشوّي في النار. ليه؟ لانه كان لا يؤمن بالله العظيم. ولا يحضر على عامل مسكيّن مش لا يطعم المسكين. لا يحضر. يعني ما بيحضرش الاخرين. يعني العمل الجماعي مهم. بيقى التطوع -

00:53:56

ومهم بيقى الحث حث الاخرين على الاطعام مهم. فليس له اليوم ها هنا حميم ولا طعام الا من غسلين. لا يأكله الا الخاطئون اكل مش نضيف شوك بينزل يقطع مغلي بيقطع حاجة صعبة. ربنا يعافينا بيقى -

00:54:26

الآخرنا قبل فوات الاوان. او ان نستحي من الله الان. دايما كده احد الصالحين كان دايما كل شوية يطلع ورقة من جيبيه بيص فيها ويدخلها تاني. طلع ورقة بيص فيها ويدخلها تاني. بعد ما مات طلعوا الورقة دي لقوا مكتوب فيها -

00:54:56

الله معى. الله شاهدي. الله ناظر الي. كل ما يosoس له الشيطان شوية يطلع يقرأ الله معى. الله شاهدي. الله ناظر الي. الواجب بتاعنا الاسبوع ده هتكتب قائمة الامنيات لما ترجع النهاردة. وتحتفظ بها هنحتاجها في وسط -

00:55:16

الدورة بتاعتنا. لو انت وانت مروح جالك ملك الموت. واستسمحته في اربعة وعشرين ساعة. واداك اربعة وعشرين اكتب ايه هي الاشياء اللي تتمنى انك تعملها قبل ما تموت. ثانيا ورد اسمه ورد -

00:55:46

الموت هنعمله من هنا لغاية الاسبوع الجاي تلات مرات مسلا على الاقل. يوم او يوم لا كده انك هتدخل في اوضة فاضية. هتقول لي ما فيش اوضة فاضية والدنيا دوشة عندنا. بالليل انت جوة سريرك تخيل نفسك -

00:56:06

بتموت. مت خلاص. مت تخيل وهم جايين يصحووك الصبح وانت ما بتتصاحش وابتدوا يهزووك بانفعال. وابتدوا يصرخوا وابتدوا بسرعة يتكلموا دكتور. والدكتور جه عمل لك عينك جس النبض وقال لهم البقاء لله. وهم بقى بيبكوا عليك وبيغطوك وبيبرسوك. وجابوا لك -

00:56:26

يغسلك. قلب نفسك كده وانت متخييل نفسك بتتفسل. وبعد كده تخييل نفسك بتتحط في صندوق. والصندوق بيتشال وانت عمال تترجح وتتخيط جوة. وبعدين بينزلوك عليك من غير لا رکوع ولا سجود صلاة باربع تكبيرات. ورحوا شايلينك تاني وحطوك في العربية بتاعة نقل الموتى - [00:56:56](#)

وجريوا عليك على المقبرة واحشالوك ومن الصندوق ونزلوا بك في القبر وراحوا قافلين عليك. دي الحنة اللي احنا ما اتكلمناش فيها النهاردة اللي هي من الموت غاية القبر بس تخيلها خلال الاسبوع ده تلات مرات. هتاخد منك ربع ساعة كده كل يوم. وانت بستشعرها [00:57:26](#) -

الاخوات ارجوكم اعملوها. بنجي نراجع الواجب مع الناس يبقى اخواتي يقول لك ايه بصراحة ما قدرتش ليه خفت؟ ايوة ما انا عارف انك خفت. ما عنديش انك تخاف بس والله ما هنعيد الواجب ده طول الدورة تاني. بس المرة دي لازم نوقف القلب - [00:57:46](#) لازم نصحي القلوب يا جماعة. يا ريت نزور القبور مرة واحدة خلال الاسبوع. ده واجب. يا ريت ايه؟ انا اسف. مش يا ريت هنзор القبور. اطلع على قبور مدينة نصر. قبور مصر الجديدة. وخش وزور قبر. التحدي ما تعرفوش - [00:58:06](#) نقول السلام عليكم دار قوم مؤمنين. انتم السابعون ونحن بكم ان شاء الله لاحقون. ها بايه؟ انتم في دار الحق دلوقتي. وشاييفين الحق. انا لسة في الدنيا تتصحوني اعمل ايه؟ تخيل هيقولوا لك ايه؟ كم الايه من اللي انت بتعمله وبطل ايه من اللي انت بتعمله وزود ايه على اللي انت - [00:58:26](#)

راجع نفسك وراجع اعمالك وانت في القبور. مرة بس طول الاسبوع ده اكتب وصيتك. هتروح بقى تنزل لي الوصية الشرعية من على البتاع وان ما تعملوش وتصوتوا علي. انا مش ده اللي اقصده. عندك قرشين اكتب - [00:58:56](#)

كده عايز يتقسموا ازاي؟ هتقول لي طبعا التقسيم حسب الشرع انا عارف. بس انت لك الحق التلت تطلعه هفتكر التلت لله ولا ولا خمسة في المية كفایة ولا نسيب الباقي للعيال برضو عشان لسة متمسك بالدنيا دا انت بتموت. فكر هتقدر - [00:59:16](#) هتطلع ايه؟ انت تحتاج تطلعها على روحك. فكر هتعمل ايه؟ اصل الدنيا المال هو عالمة الدنيا وبعدين هنبدأ بقى ورد ماشي معنا على طول بعد كده. قبل ما نصلی كده - [00:59:46](#)

هنعمل حاجة اسمها ورد الالاح. قبل ما نصلی بعد ما نصلی هنلح على الله ان يصلح قلوبنا اللهم اصلاح قلبي. اللهم اعطني القلب السليم. تفضل تلح تلح على الله انه يصلح قلبك. وانه يجعل عندك قلب سليم. كتاب التوازن التربوي اللي ما قرأهوش يا جماعة يقرأ - [01:00:06](#)

او يكمل الكتاب الصغير مش كبير. لكن كتاب مهم جدا انك بتفهم نفسك. ده الكتالوج اللي بتفهم به الاجهزة بتاعتك المختلفة دي الاربعة ازاي بيتم تنميتك؟ الكتاب ده رائع جدا وكوييس واحسبيه على خير. وفيديو بتاع المرة اللي - [01:00:36](#) فاتت اللي ما انفرجش عليه يتفرج عليه. واللي انترج على الفيديو بتاع النهاردة ده يعني لما ينزل بكرة ولا بعده انفرجوا عليه تاني. واستشعروا الكلام دوت من هنا ورایح الدورة دي بتتركز على ان كل حاجة هنعملها كل حاجة من هنا ورایح بتدربر وبفهم. خلاص ما فيش طلقة. خلاص - [01:00:56](#)

جزاكم الله خيرا وبارك الله فيكم. الدورة دي على فكرة ما فيش فيها اسئلة. انتم نفسكم مش راضيين تسألوا صح؟ كل واحد اي مخ في وشه يروح. حاجة يعني ولا - [01:01:16](#) واحد ترامادول بس هي الدورة دي كده. دي مش دورة فقهية ولا احنا هنسأل فيها اسئلة - [01:01:26](#)